

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

Desz Feldtmarschalcks Eyd.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

So auch lernen wirt/vnnd man an den Feinden ist/So soll er mit sampt andern geschickten erfarnen vnnd geübten/so er hienor darzu erkiesset hatt/die Ordnung machen/die hauffen mit rath des Obersten vnd anderer Kriegs rath anschicken vnd ordnen.

So man auch soll Ordnung zum schlagen machen/sollen der Reysigen Ordnung nicht/wie des Fußzeugs/geführt/sonnder vornen her bisz ettwan manch glid hinein gespizt/Also im ersten glid neun/im andern eylff/im dritten dreyzehen/im vierten fünffzehen/vnnd also fortan bisz schier auffs halb theil/Darnach macht mans gleich durch auß/vnnd werden die Fanen so der hauff groß ist/vnnd ettwan vil geschwader zusammen geordnet werden/zum theil vornen/etwann im dritten oder vierten glied/die andern in die mit besonder/da der Haupefanen geordnet ic. Es müssen nit eben neun im ersten/vñ eylff im andern glid sein/sonder wenig oder mehr nach anzal des volcks ic. vnnd gelegenheyt des platz nach gestalt der sachen.

Gleichwol ist yetz nicht mehr der gebrauch/wie bey den alten/das man die Ordnungen vnder den Reysigen gespizt mache/es geschehe dann auß besondeter erforderung der nothdurfft/sonder machen die Reysigen yetziger zeit ixe Ordnungen genterdt wie des Fußvolcks.

Des Feldtmarschalcks End.

Ein Eyd wirt mit gemeynen puncten/wie andere hohe ämpter begriffen/vnnd wirt daran gehendtz das er in Râthen/vnnd was darinn Raths weiß vnnd in geheym gehandelt/bisz in sein end verschweygen/auch mit allem treuem Rath/vnnd was mit der that zuthun ist/auff richten vnnd versehen wölle/vngesparrt seynes leybs vnnd lebens/auch guter erbar auffrecht Regiment vnder den Reysigen zuhalten/bey vnnd inn den musteringen/vnnd inn ander weg fleissig getrewe sorg vnnd auffsehens zu haben/damit der Kriegsherr mit nichten vber vortheylt vnnd betrogen werde/auch sonst alles das thun vnnd lassen/das ic. Vnnd were sach/das er mit dem Kriegsherrn seiner besoldung odder anderer sachen halben/so sich inn diesem Feldzug zutrügen/spännig würde/das er darumb wa es gutlich nicht hingelegt/vnnd vertragen werden möcht/vor den Kriegsfrâthen/vnnd andern Obersten endtlich Recht spruch annemen/vnnd darbey bleyben wölle.

Sie machen gemeynlich Reuers gegen einander/der Kriegsherr vnnd Feldtmarschalck.

Von aller hand kriegsfrüstung vnd gebrauch!

Sein besoldung ist Monats auff sein leib vnd Ampt 17. gulden.

Im werden gehalten gerüstet pferde so vil er bringet.

Ein Doctor der Arzney.

Ein Feldtrommeter.

Auch sechs Trabanten.

Item ein Schreiber.

Ein Caplon / Ein Tollmärsch.

Ein Wagen vnnnd ein Trospferde.

Were aber das ein treffenlicher grosser heerzug were / vnnnd der Feldmarschalck seins Stands ein Fürst oder Graff were / So wirt dasselbig bedacht vnd angesehen / vnd ime gehalten Keiskuchen / Zelten vnnnd ander Wegen / auch Trabanten vnd anders so die notturfft vnd sein Stand erfordert.

Deß Feldmarschalcks Leutenants Ampt Beuelch vnd End.

Der Feldmarschalck ist eines Leutenants notturfftig / dann dieweil sein Ampt erfordert zu notwendiger zeit / im ziehen oder halten / odder auch im Lager / inn Räthen vnnnd bey dem Obersten zusein / odder etts was besichtigen helfen. So ist not das er ein Leutenant habe / mittler zeyt bey seinen Janen vnnnd Reuttern zusein / auch in ander weg wa sich not vnnnd gelegenheyt zutregt / deß Feldmarschalcks Ampt in abwesen deß Feldmarschalcks zuverwalten. Deshalben ist vonnöten / das ein ehrlicher geschickter / verstandner vnnnd erfarnet Man vom Adel hierzu erwölt vnnnd genommen werde.

Sein Ampt erfordert alles / So deß Feldmarschalcks Ampt erfordert / das soll er inn abwesen deß Feldmarschalcks / so sich gelegenheyt vnnnd not zutregt / versehen vnd aufrichten / Were es aber das treslich wichtige sachen zu fielen / vnnnd es den verzug haben mag / soll er sollichs an den Feldmarschalck selbs reichen vnnnd kommen lassen / damit nichts versaumpt odder vberleide werde.

Man pflegt ihme nit fast einen grossen oder sondern staat zuhaben / sein besoldung wirt ihme seins diensts vnd Ampts halben gebessert / darumb hat er Monats auff sein leib vnd Ampt 17. gulden zu besoldung.

Sunst